


Sed quoniam inest in Mosis oratione multa obscuritas, proponamus in plano lintea, deinde Mosis uerba declaremus.

LINTEA IN PLANQ EXPLICATA.



A lintea quinque inter se confuta: B altera. C D longitudo duodetriginta cubitorum. C E latitudo quaternum cubitorum. F G ligulae, per quas fibulae coniungebant lintea. Quod autem dicit Mosis, Ligulas hyacinthinas facito per oram lintei quod erit ultimum in una parte commissura: significat eas ligulas, quae signantur litera F, similiterque in ora ultimi lintei G, quod ultimum ex quinque est, si numerare incipias ab M alterius commissurae, hoc est alterius partis linteorum committendorum: qualem loquendi modum declarabimus in 2 Regum.

nam una est commissura. Si enim essent duae, aut non essent quina lintea (nam in duabus commissuris essent tres partes linteorum, uidelicet media, & duae ultima: ita fierent quindecim lintea, si quidem essent quina) aut copularentur utrinque, ut efficerent saccum, coniuictis I cum K, & L cum M, id quod neq; tegendi tabernaculi ratio patitur, neq; uerba Mosis. Tradit enim bis quinquaginta ligulas, cum fibulas siue uncas tradat